

ფორმა N1 - ფინანსური მდგომარეობა

	საანგარიშგებო პერიოდის ბოლო თარიღი	წინა საანგ.პერიოდის ბოლო თარიღი	წინა საანგ.პერიოდის საწყისი თარიღი
აქტივები			
ფული და ფულის ექვივალენტები	10 249	151 824	1 135 792
სავაჭრო მოთხოვნები		-	54
გადახდილი ავანსები და დარიცხული მისაღები შემოსავალი	54 851	1 575 451	739 592
მარაგები	135 838		
- მზა პროდუქცია			
- სხვა			
საინვესტიციო ქონება			
სხვა მიმდინარე აქტივები			
ბიოლოგიური აქტივები			
თვითღირებულების მოდელით			
- გადაფასების მოდელით			
გუდვილი			
სხვა არამატერიალური აქტივები			
ძირითადი საშუალებები	594 104	878 084	1 034 676
ინვესტიციები შვილობილ კომპანიებში			
ინვესტიციები სხვა საწარმოთა წილობრივ ინსტრუმენტებში			
სხვა გრძელვადიანი აქტივები	663 593	765 792	867 712
სულ აქტივები	1 458 635	3 371 151	3 777 826
ვალდებულებები			
ფინანსური იჯარის ვალდებულება			
სავაჭრო ვალდებულებები	1 021 595	2 928 353	3 223 665
ვალდებულებების და ხარჯების ანარიცხები			
ვალდებულებები თანამშრომელთა მიმართ	322 519	258 512	103 293
საგადასახადო ვალდებულებები	211 848	185 174	125 019
გამოუმუშავებელი შემოსავალი			
მიმდინარე სასესხო ვალდებულებები	11 800 957	7 678 248	7 844 469
გრძელვადიანი სასესხო ვალდებულებები		-	-
მიღებული გრანტები			
სხვა ვალდებულებები	1 502 201	3 453 072	1 083 759
სულ ვალდებულებები	14 859 120	14 503 359	12 380 205

საკუთარი კაპიტალი			
სააქციო კაპიტალი (შპს-ს შემთხვევაში 'კაპიტალი', კოოპერატივის შემთხვევაში საპაიო კაპიტალი)	1 263 326	1 720 421	1 557 311
საემისიო შემოსავალი			
გამოსყიდული საკუთარი აქციები			
გაუნაწილებელი მოგება / ზარალი	-14 663 811	-12 852 629	-10 159 690
გადაფასების რეზერვი			
სხვა რეზერვები			
სულ საკუთარი კაპიტალი	-13 400 485	-11 132 208	-8 602 379
სულ საკუთარი კაპიტალი და ვალდებულებები	1 458 635	3 371 151	3 777 826



ფორმა N2- საქმიანობის შედეგები

საანგარიშ.პერიოდი

წინა საანგარიშ.პერიოდი

ნეტო ამონაგები	1 448 058	760 827
საქონლის გაყიდვიდან		
მომსახურების გაწევიდან	1 125 666	760 827
სამშენებლო ხელშეკრულებებიდან		
სხვა		
რეალიზებული პროდუქციის თვითღირებულება		
საწყისი მარაგები		
მარაგების შესყიდვა		
გადამუშავების დანახარჯები		

საბოლოო მარაგები		
საერთო მოგება	1 448 058	760 827
სხვა შემოსავალი	7 067 659	3 046 772
დასაქმებულთა ანაზღაურება	-6 367 558	-4 778 102
ცვეთა და ამორტიზაცია	-290 273	-295 014
საპროცენტო შემოსავალი:		
საპროცენტო ხარჯი:	-901 495	-682 267
იჯარის ხარჯი	-504 648	-204 169
ადმინისტრაციული და სხვა საოპერაციო ხარჯი	-2 148 150	-1 775 333
სულ საოპერაციო ხარჯები	-3 144 465	-4 688 113
საოპერაციო მოგება	-1 696 407	-3 927 286

გაუფასურების (ხარჯი) რევერსირება:		
ფინანსური აქტივები		
მარაგები		
სხვა არაფინანსური აქტივები		
წმინდა შემოსულობა / (დანაკარგი) სავალუტო ოპერაციებიდან:	-331 353	-100 444
მიღებული დივიდენდები		
სხვა წმინდა არასაოპერაციო შემოსავალი (ხარჯი)	216 578	1 334 791
მოგება (ზარალი) მოგების გადასახადის ხარჯამდე განგრძობითი ოპერაციებიდან	-1 811 182	-2 692 939
მოგების გადასახადი		
მოგება (ზარალი)	-1 811 182	-2 692 939
სხვა სრული შემოსავალი I (ზარალი):		
ძირითადი საშუალებების (მათ შორის, ბიოლოგიური აქტივების) გადაფასების რეზერვი		
სხვა		
სხვა სრული შემოსავალი / (ზარალი), სულ:		
მთლიანი სრული შემოსავალი/ (ზარალი)	-1 811 182	-2 692 939
კაპიტალი საწყისი ნაშთი (პერიოდის საწყისი ნაშთი)	-11 132 208	-8 602 379
ახალი აქციების გამოშვება (შპს-ს შემთხვევაში...)		
განაწილება მესაკუთრეებზე (მათ შორის დივიდენდი)		
სხვა ცვლილებები გაუნაწილებელ მოგებაში		
კაპიტალის სხვა ცვლილებები	-457,095	163 110
კაპიტალი საანგარიშგებო პერიოდის ბოლოს	-13 400 485	-11 132 208



ფორმა N3 - ფულადი სახსრების მოძრაობა

	საანგარიშგებო პერიოდი	წინა საანგარიშგებო პერიოდი
წმინდა ფულადი სახსრები საოპერაციო საქმიანობიდან	-2 002 477	-2 465 174
წმინდა ფულადი სახსრები საინვესტიციო საქმიანობიდან	1 117 019	-43 562
წმინდა ფულადი სახსრები ფინანსური საქმიანობიდან	743 883	1 524 768
წმინდა ზრდა (კლება) ფულსა და ფულის ეკვივალენტებში	-141 575	-983 968
სავალუტო კურსის ეფექტი	-	-
ფული და ფულის ეკვივალენტები წლის დასაწყისში	151 824	1 135 792
ფული და ფულის ეკვივალენტები წლის ბოლოს	10 249	151 824



ახსნა-განმარტებითი შენიშვნები

1 ზოგადი ინფორმაცია

შპს „საფეხბურთო კლუბი იბერია 1999“ (კომპანია) არის შეზღუდული პასუხისმგებლობის საზოგადოება, რომელიც ახორციელებს საქმიანობას საქართველოს მთელს ტერიტორიაზე კონსტიტუციის, კანონმდებლობისა და საკუთარი წესდების ფარგლებში. ორგანიზაცია დაფუძნდა 1999 წელს. კომპანიის ძირითადი საქმიანობა არის საფეხბურთო საქმიანობა, ეროვნულ და საერთაშორისო საკლუბო ჩემპიონატებში მონაწილეობის მიღება.

საფეხბურთო კლუბის მესაკუთრეთა წილები შემდეგნაირად ნაწილდება:

- ეკატერინე ინასარიძე - 55%
- ლუკა თამაზაშვილი - 10%
- შპს სპორტ ინვესტი - 35%

საფეხბურთო კლუბის საბოლოო ბენეფიციარი მფლობელები შპს სპორტ ინვესტის დამფუძნებლების სახით არიან შედგენილი:

- ეკატერინე ინასარიძე - 33.00%
- დავით ხეჩიკაშვილი - 67.00%

საფეხბურთო კლუბის წარმომადგენელი არის მისი დირექტორი ვეფხვია ამირიძე. საფეხბურთო კლუბის იურიდიული მისამართია საქართველო, თბილისი, იოსებძის ქუჩა N50.

საანგარიშგებო თარიღისათვის საქართველოში მოქმედი ბუღალტრული აღრიცხვისა და ანგარიშგების რეგულაციების მიხედვით კომპანია წარმოადგენს მესამე ზომითი კატეგორიის საწარმოს. ამავე რეგულაციების შესაბამისად, კომპანია არ წარმოადგენს საზოგადოებრივი დაინტერესების პირს.

ბიზნეს გარემო

კომპანია ძირითად ბიზნეს საქმიანობას აწარმოებს საქართველოს ფარგლებში. საქართველო ხასიათდება განვითარებადი ბაზრის გარკვეული მახასიათებლებით, მათ შორის შედარებით მაღალი ინფლაციით და მაღალი საპროცენტო განაკვეთებით. საქართველოს საგადასახადო კანონმდებლობა ექვემდებარება განსხვავებულ ინტერპრეტაციებს და ხშირ ცვლილებებს.

საქართველოს მომავალი ეკონომიკური მიმართულება დიდწილად დამოკიდებულია მთავრობის მიერ განხორციელებული ეკონომიკური, ფინანსური და ფულადი ღონისძიებების ეფექტურობაზე, საგადასახადო, სამართლებრივ, მარეგულირებელ და პოლიტიკურ მოვლენებთან ერთად.

მენეჯმენტს არ შეუძლია განსაზღვროს ყველა ის მომავალი მოვლენა, რომელსაც შეუძლია გავლენა მოახდინოს ბიზნეს სექტორზე და ზოგადად ეკონომიკაზე, შესაბამისად, თუ რა გავლენა შეიძლება ჰქონდეს მათ კომპანიის მომავალ ფინანსურ მდგომარეობაზე. მენეჯმენტი თვლის, რომ ის იღებს ყველა საჭირო ზომას კომპანიის მდგრადი ვითარების მხარდასაჭერად.

2 შედგენის საფუძველი

2.1 განცხადება შესაბამისობის თაობაზე

წარმოდგენილ სპეციალური დანიშნულების ფინანსურ ანგარიშგებაში მოცემული ტრანზაქციები და ბალანსები კლასიფიცირებული, აღრიცხული და შეფასებულია ბუღალტრული აღრიცხვის საერთაშორისო სტანდარტების საბჭოს („ბასს“) მიერ გამოშვებული ფინანსური ანგარიშგების საერთაშორისო სტანდარტების („ფასს“) მიხედვით, ხოლო ანგარიშგების წარდგენა მოხდა საქართველოს ფეხბურთის ფედერაციის საკლუბო ლიცენზირების დებულების - „კლუბების ლიცენზირების დებულებები უეფას საკლუბო ტურნირში მონაწილეობისთვის“ ფორმატის შესაბამისად. ქვემოთ აღწერილია მნიშვნელოვანი სააღრიცხვო პოლიტიკის მიმოხილვა და სხვა განმარტებითი შენიშვნები.

წარმოდგენილი სპეციალური დანიშნულების ფინანსური ანგარიშგება არ წარმოადგენს სრულ ფინანსურ ანგარიშგებას ფინანსური ანგარიშგების საერთაშორისო სტანდარტების მიხედვით. ასევე, არ მოიცავს იმ სრულ ინფორმაციას, რომელიც მოითხოვება ფინანსური ანგარიშგების საერთაშორისო სტანდარტებით.

როგორც ნახსენებია საქართველოს ფეხბურთის ფედერაციის საკლუბო ლიცენზირების დებულების 65-ე მუხლის მე-2 პუნქტში, სპეციალური დანიშნულების ფინანსური ანგარიში მოიცავს:

- ბალანსს 2024 წლის 31 დეკემბრის მდგომარეობით (რომელიც შეიცავს 2023 წლის 31 დეკემბრის შესადარის ინფორმაციას);
- მოგება-ზარალის უწყისს 2024 წლის 1 იანვრიდან 2024 წლის 31 დეკემბრის ჩათვლით პერიოდისთვის (რომელიც შეიცავს 2023 წლის 1 იანვრიდან 2023 წლის 31 დეკემბრის ჩათვლით პერიოდისთვის შესადარის ინფორმაციას).
- ფულადი სახსრების მოძრაობის უწყისს 2024 წლის 1 იანვრიდან 2024 წლის 31 დეკემბრის ჩათვლით პერიოდისთვის (რომელიც შეიცავს 2023 წლის 1 იანვრიდან 2023 წლის 31 დეკემბრის ჩათვლით პერიოდისთვის შესადარის ინფორმაციას).
- მნიშვნელოვანი სააღრიცხვო პოლიტიკის მიმოხილვას და სხვა განმარტებით შენიშვნებს.

2.2 შეფასების საფუძველი

სპეციალური დანიშნულების ფინანსური ანგარიშგება მომზადდა ისტორიული ღირებულების პრინციპზე დაყრდნობით, გარდა იმ მუხლებისა, რომლებიც წარმოდგენილია მომავალი ფულადი ნაკადების დისკონტირებული ღირებულებით.

2.3 საქმიანობის უწყვეტად გაგრძელების უნარი

სპეციალური დანიშნულების ფინანსური ანგარიშგება მომზადებულია კომპანიის საქმიანობის განგრძობითობის პრინციპის საფუძველზე, რომელიც გულისხმობს, რომ იგი უახლოეს მომავალში ფუნქციონირებას გააგრძელებს ჩვეული მასშტაბით. ივარაუდება, რომ არ მოხდება ლიცენზიის მაძიებლის ლიკვიდაცია, გაკოტრება ან კრედიტორების მიერ მათი მოთხოვნების გამოთხოვა იმაზე ადრე, ვიდრე ჩვეულებრივი საქმიანობის პროცესში ხდება, ისეთიანად, რომ ამან კომპანიას იმდენად მნიშვნელოვანი პრობლემები შეუქმნას, რომ მას საქმიანობის შეწყვეტა ან მნიშვნელოვნად შეკვეცა მოუწიოს.

2.4 ფუნქციონალური და საანგარიშგებო ვალუტა

კომპანიის ფუნქციონალური ვალუტა არის საქართველოს ეროვნული ვალუტა - ქართული ლარი.

სპეციალური დანიშნულების ფინანსური ანგარიშგება წარმოდგენილია ქართულ ლარში (გარდა განსაზღვრული ნახსენები შემთხვევებისა).

3 ბუღალტრული აღრიცხვის მნიშვნელოვანი პოლიტიკები

3.1 უცხოური ვალუტა

ტრანზაქციები უცხოურ ვალუტაში გადაიყვანება კომპანიის მიერ შესაბამის საოპერაციო ვალუტაში ტრანზაქციების განხორციელების დღეს საქართველოს ეროვნული ბანკის მიერ დადგენილი გაცვლითი კურსის მიხედვით. ანგარიშგების თარიღისთვის, ფულადი ერთეულები უცხოურ ვალუტაში გადაანგარიშებულია ამავე თარიღისთვის არსებული ეროვნული ბანკის მიერ გამოცხადებული კურსით, რომელიც 2024 წლის წლის 31 დეკემბერს ერთი ამერიკული დოლარისთვის შეადგენს 2.8068 ლარს ხოლო ერთი ევროსთვის 2.9306 ლარს. (2023 წლის 31 დეკემბერი: ერთი ამერიკული დოლარისთვის შეადგენს 2.6894 ლარს ხოლო ერთი ევროსთვის 2.9753 ლარი). არაფულადი მუხლების გადაანგარიშება წლის ბოლოს კურსით არ ხდება და ისინი ბალანსში წარდგენილია ისტორიული ღირებულებით (ლარში გადაყვანილია ტრანზაქციის განხორციელების დღის კურსით), გარდა სამართლიანი ღირებულებით წარდგენილი არაფულადი მუხლებისა, რომლებიც ლარში გადაყვანილია მათი სამართლიანი ღირებულების შეფასების დღის შესაბამისი კურსით.

საკურსო სხვაობით გამოწვეული სხვაობები ფულადი მუხლებისთვის ასახულია მოგება-ზარალის ანგარიშგებაში.

3.2 ძირითადი საშუალებები

ძირითადი საშუალებები აღირიცხება დაგროვილი ცვეთითა და გაუფასურების ზარალით შემცირებული თვითღირებულებით. თვითღირებულება მოიცავს აქტივის შესყიდვის ფასს, იმპორტთან დაკავშირებულ გადასახადებს, გამოუქვითავ გადასახადებს და სხვა პირდაპირ დანახარჯებს. როცა კომპანიის ძირითადი საშუალებები შეიცავს სხვადასხვა არსებით კომპონენტებს, რომლებსაც გააჩნიათ ერთმანეთისგან

განსხვავებული სასარგებლო მომსახურების ვადები, ისინი აღირიცხებიან ცალ-ცალკე, როგორც ძირითადი საშუალებების ცალკეული კომპონენტები.

ძირითადი საშუალება, რომელიც გამოიყენება ძირითადი საქმიანობისთვის, ადმინისტრაციული მიზნებით ან გაქირავებისთვის, ან არის მშენებარე მდგომარეობაში, აღირიცხულია მის თვითღირებულებასა და გაუფასურების ღირებულებას შორის სხვაობით. თვითღირებულება შეიცავს პირდაპირ ხარჯებს, დაყენების/მონტაჟის, პროფესიული მომსახურების ხარჯებს, რომელიც გათვალისწინებულია კომპანიის სააღრიცხვო პოლიტიკით.

მოგება ან ზარალი რომელიც წარმოიშევა აქტივის გაყიდვიდან ან ჩამოწერიდან, განისაზღვრება სხვაობით მიღებულ სარგებელსა და საბალანსო ღირებულებას შორის და აღიარდება მოგება-ზარალის ანგარიშგებაში.

ძირითადი საშუალებების კომპონენტების ჩანაცვლებასთან დაკავშირებული დანახარჯები, აღირიცხულია დამოუკიდებლად და კაპიტალიზირდება იმ კომპონენტის საბალანსო ღირებულებასთან ერთად, რომელიც ჩამოწერილ იქნა. სხვა დანახარჯები კაპიტალიზირდება იმ შემთხვევაში, თუ შესაძლებელია ეკონომიკური სარგებლის მიღება მომავალში. ყველა სხვა ხარჯი, მათ შორის შეკეთება-განახლება, აღიარდება მოგება/ზარალის ანგარიშგებაში მისი მოხდენისთანავე.

ცვეთის დარიცხვა ხდება მოგება ზარალის ანგარიშგებაში წრფივი მეთოდის საშუალებით, თითოეული აქტივის სასიცოცხლო პერიოდის შეფასების საფუძველზე. ცვეთის დარიცხვა იწყება მას მერე, რაც აქტივი შედის ექსპლუატაციაში. აქტივების სასიცოცხლო პერიოდი შემდეგნაირად ნაწილდება:

სპორტული მოედანი	- 15 წელი
სატრანსპორტო საშუალებები	- 10 წელი
სპორტული ინვენტარი	- 3-8 წელი
საოფისე ავეჯი და აღჭურვილობა	- 4-7 წელი
კომპიუტერული და სხვა ტექნიკური მოწყობილობები	- 4-5 წელი
იჯარით აღებული ქონების კეთილმოწყობა	- 8 წელი

3.3 არამატერიალური აქტივები

კომპანიის მიერ შეძენილი არამატერიალური აქტივები, რომელთაც აქვთ განსაზღვრული სასიცოცხლო პერიოდი, წარმოდგენილი თვითღირებულებას გამოკლებული დაგროვილი ამორტიზაცია და გაუფასურების ზარალი.

არამატერიალური აქტივები შეიცავს ფეხბურთელებზე ლიცენზიებს. კომპანია გააფორმებული აქვს სატრანსფერო ხელშეკრულებები, ამორტიზაცია ფეხბურთელის ლიცენზიაზე ფინანსურ ანგარიშგებაში ერიცხება ფეხბურთელთან გაფორმებულ ხელშეკრულებაში მითითებულ პერიოდზე გაანგარიშებით წრფივი მეთოდით, რომელიც დაახლოებით 1-დან 5 წლამდე პერიოდს მოიცავს. ლიცენზირების დასრულებისას, ხელშეკრულების მიხედვით სრულად გაცვეთილი ლიცენზიის აკუმულირებული თანხის გადახურვა ხდება მის ისტორიულ ღირებულებაზე.

ამორტიზაციის დარიცხვა ხდება მოგება-ზარალის ანგარიშგებაზე წრფივი მეთოდით.

3.4 იჯარა

კომპანია, როგორც მოიჯარე

კომპანია განიხილავს მთლიანად ხელშეკრულება არის თუ არა იჯარა, ან შეიცავს თუ არა იჯარას. იჯარა განისაზღვრება, როგორც "ხელშეკრულება, ან ხელშეკრულების ნაწილი, რომელიც ითვალისწინებს აქტივის კონტროლის უფლების გადაცემას გარკვეული პერიოდის განმავლობაში, ანაზღაურების მიღების სანაცვლოდ.

იჯარის აღიარება და შეფასება

იჯარის დაწყების თარიღისათვის კომპანია აღიარებს აქტივების გამოყენების უფლებასა და საიჯარო ვალდებულებას ფინანსური მდგომარეობის ანგარიშგებაში.

აქტივის გამოყენების უფლება განისაზღვრება თვითღირებულებით, რომელიც მოიცავს საიჯარო ვალდებულების თავდაპირველ შეფასებას, კომპანიის მიერ გაწეულ თავდაპირველ პირდაპირ დანახარჯებს, იჯარის ბოლოს აქტივის დემონტაჟისა და ლიკვიდაციისთვის საჭირო შეფასებით ხარჯებს და იჯარის დაწყების თარიღისთვის გადახდილ ავანსებს (ყველა მიღებული წამახალისებელი გადახდების გამოკლებით) კომპანია, აქტივების გამოყენების უფლებებისთვის, იყენებს ცვეთის წრფივ მეთოდს იჯარის დაწყების თარიღიდან შემდეგ ორ თარიღს შორის უფრო ადრინდელ თარიღამდე: აქტივის გამოყენების უფლების სასარგებლო მომსახურების ვადის დასრულებისა და იჯარის ვადის დასრულების თარიღი. კომპანია ასევე აფასებს აქტივის გამოყენების უფლების გაუფასურებას, როდესაც ასეთი ინდიკატორი არსებობს.

იჯარის ვადის დაწყების თარიღისთვის, კომპანია საიჯარო ვალდებულებას აფასებს იმ საიჯარო გადახდების დღევანდელი ღირებულების მიხედვით, რომლებიც ამ თარიღისთვის განხორციელებული არ არის. საიჯარო გადახდების დისკონტირება ხორციელდება იჯარაში ნაგულისხმევი საპროცენტო განაკვეთით, თუ ამ განაკვეთის განსაზღვრა ადვილად შეიძლება, ან კომპანიის ზღვრული სასესხო განაკვეთის საშუალებით.

საიჯარო გადახდები, რომლებიც გაითვალისწინება საიჯარო ვალდებულების შეფასებაში, მოიცავს ფიქსირებულ გადახდებს (მათ შორის, არსებითად ფიქსირებულ გადახდებს), ინდექსზე ან განაკვეთზე დამოკიდებულ ცვლად საიჯარო გადახდებს, თანხებს, რომლებსაც მოსალოდნელია, რომ მოიჯარე გადაიხდის ნარჩენი ღირებულების გარანტიების მიხედვით და უფლებებით წარმოშობილ გადახდებს, თუ საკმარისად სარწმუნოა, რომ მოიჯარე ამ უფლებას გამოიყენებს.

იჯარის ვადის დაწყების თარიღის შემდეგ მოიჯარემ საიჯარო ვალდებულება უნდა შეამციროს განხორციელებული საიჯარო გადახდებით და გაზარდოს საიჯარო ვალდებულებასთან დაკავშირებული პროცენტით. საიჯარო ვალდებულების შეფასება ხდება ხელახლა, რათა აისახოს ხელახალი შეფასების შედეგი, ან იჯარის მოდიფიკაციები, ან გადასინჯული არსებითად ფიქსირებული საიჯარო გადახდები.

საიჯარო ვალდებულების ხელახალი შეფასების შემდეგ, შესაბამისი კორექტირება აისახება აქტივის გამოყენების უფლებაზე ან მოგება-ზარალის ანგარიშგებაში, თუ აქტივის გამოყენების უფლების საბალანსო ღირებულება ნულია.

კომპანიამ გადაწყვიტა მოკლევადიანი და დაბალი ღირებულების მქონე აქტივების იჯარა აღრიცხოს პრაქტიკული ხასიათის გამარტივებული მიდგომის გამოყენებით. აქტივის გამოყენების უფლებისა და საიჯარო ვალდებულების აღიარების ნაცვლად, იჯარასთან დაკავშირებული გადახდები აღიარდება ხარჯად მოგება-ზარალის ანგარიშგებაში წრფივი მეთოდით, იჯარის პერიოდის განმავლობაში.

კომპანია, როგორც მოიჯარე

კომპანია, როგორც მეიჯარე, გამოყოფს იჯარის ორ კლასს - საოპერაციო ან ფინანსურ იჯარებს.

იჯარა კლასიფიცირდება ფინანსურ იჯარად, თუკი იგი გადასცემს არსებითად ყველა რისკსა და სარგებელს განსაზღვრული აქტივის მფლობელს, სხვა შემთხვევაში იგი კლასიფიცირდება, როგორც საოპერაციო იჯარა.

კომპანია საოპერაციო იჯარების ფარგლებში მიღებულ საიჯარო გადახდებს აღიარებს შემოსავლის სახით წრფივი მეთოდის გამოყენებით, იჯარის ვადის მანძილზე, „საიჯარო შემოსავლის“ კატეგორიაში.

ფინანსური იჯარით აქტივის გაცემისას იჯარის ვადის დაწყების თარიღისთვის კომპანია ფინანსური მდგომარეობის ანგარიშგებაში აღიარებს ფინანსური იჯარით გადაცემულ აქტივებს როგორც მოთხოვნებს ფინანსური იჯარიდან, ნეტო საიჯარო ინვესტიციის ტოლი თანხით. შემდგომში, იჯარის ვადის განმავლობაში, ფინანსური შემოსავალი ისეთი სქემის საფუძველზე აღიარდება, რომელიც ასახავს მეიჯარის ნეტო საიჯარო ინვესტიციის უკუგების მუდმივ (უცვლელ) პერიოდულ განაკვეთს.

3.5 ფინანსური ინსტრუმენტები

ფინანსური ინსტრუმენტების აღიარება, შეფასება და აღიარების შეწყვეტა

ფინანსური აქტივი და ფინანსური ვალდებულება აღიარდება, მას შემდეგ, რაც კომპანია ხდება ფინანსური ინსტრუმენტების შესახებ სახელშეკრულებო ურთიერთობის მონაწილე.

ფინანსური აქტივების აღიარების შეწყვეტა ხდება მას შემდეგ, რაც ამოიწურება ფინანსური სარგებლის მიღების სახელშეკრულებო უფლება, ან როდესაც ფინანსური აქტივი და მასთან დაკავშირებული რისკის მნიშვნელოვანი წილი გადადის სხვა მხარეზე.

ფინანსური ვალდებულების აღიარება წყდება, როდესაც ის შესრულდება, ხელშეკრულებით განსაზღვრული ვალდებულება დაიფარება, გაუქმდება ან ვადა გაუვა.

ფინანსური აქტივების კლასიფიკაცია და თავდაპირველი შეფასება

იმ სავაჭრო მოთხოვნების გარდა, რომლებიც არ შეიცავს მნიშვნელოვან ფინანსურ კომპონენტს და შეფასებულია გარიგების ფასად ფასს 15-ის მიხედვით, ყველა ფინანსური აქტივი თავდაპირველად შეფასებულია რეალური ღირებულებით დაკორექტირებული გარიგების დანახარჯებით (სადაც შესაბამისია).

აღიარების შემდგომი შეფასების მიზნებისათვის ფინანსური აქტივები გარდა ჰეჯირების ინსტრუმენტებისა, დაყოფილია შემდეგ კატეგორიებად:

- ამორტიზებული ღირებულებით
- რეალური ღირებულებით მოგება- ზარალში ასახვით (FVTPL)
- რეალური ღირებულებით სხვა სრულ შემოსავალში ასახვით (FVOCI).

წარმოდგენილ პერიოდში კომპანიას არ აქვს ფინანსური აქტივების კატეგორია FVOCI.

კლასიფიკაცია განსაზღვრულია ორივე კრიტერიუმით:

- კომპანიის ბიზნეს მოდელი გამოყენებული ფინანსური აქტივის მართვისთვის
- ფინანსური აქტივის სახელშეკრულებო ფულადი ნაკადების მახასიათებლები.

ფინანსურ აქტივთან დაკავშირებული ყველა შემოსავალი და ხარჯი, რომელიც აღიარებულია მოგებაში ან ზარალში წარმოდგენილია ფინანსურ ხარჯებში, ფინანსურ შემოსავალში ან სხვა ფინანსურ მუხლებში, გარდა სავაჭრო მოთხოვნების გაუფასურებისა, რომლებიც წარმოდგენილია სხვა ხარჯებში.

ფინანსური აქტივების შემდგომი შეფასება

ფინანსური აქტივების ამორტიზირებული ღირებულებით შეფასება

ფინანსური აქტივები შეფასებულია ამორტიზირებული ღირებულებით თუ აკმაყოფილებს შემდეგ კრიტერიუმებს (და არ არის განსაზღვრული როგორც FVTPL):

- კომპანია ფლობს ფინანსურ აქტივებს ისეთი ბიზნეს მოდელის პირობებში, რომლის მიზანია ფინანსური აქტივების ფლობა სახელშეკრულებო ფულადი ნაკადების მიღების მიზნით;
- ფინანსური აქტივის სახელშეკრულებო პირობები კონკრეტულ თარიღებს ადგენს ისეთი ფულადი ნაკადების მიღებისთვის, რომლებიც წარმოადგენს მხოლოდ ძირი თანხისა და ძირი თანხის დაუფარავ ნაწილთან დაკავშირებული პროცენტის გადახდას

ფინანსური აქტივები თავდაპირველი აღიარებისას შეფასებულია ამორტიზირებული ღირებულებით ეფექტური საპროცენტო განაკვეთის მეთოდის გამოყენებით. დისკონტირება უგულებელყოფილია, სადაც დისკონტირებას არამატერიალური ეფექტი აქვს. კომპანიის ფული და ფულის ეკვივალენტები, სავაჭრო და სხვა მოთხოვნები ფინანსური ინსტრუმენტების ამ კატეგორიას მიეკუთვნება.

ფინანსური აქტივების გაუფასურება

ფასს 9-ის მოთხოვნები იყენებს უფრო მეტად საპროგნოზო ინფორმაციას მოსალოდნელი საკრედიტო ზარალის აღიარებისას – „მოსალოდნელი საკრედიტო ზარალის მოდელი“ (ECL). ფასს 9-ის მოთხოვნების ფარგლებში შემავალი ინსტრუმენტები მოიცავს სესხებს და სხვა ვალის ტიპის ფინანსურ აქტივებს, რომლებიც შეფასებულია ამორტიზებული ღირებულებით და რეალური ღირებულებით სხვა სრულ შემოსავალში ასახვით (FVOCI), სავაჭრო მოთხოვნებს, სახელშეკრულებო აქტივებს, რომლებიც აღიარებული და შეფასებულია ფასს 15-ის მიხედვით და სესხის გაცემის ვალდებულებას და ზოგიერთი ფინანსური გარანტიის ხელშეკრულებებს (ემიტენტისთვის), რომლებიც არ არიან შეფასებული რეალური ღირებულებით მოგებაში ან ზარალში ასახვით.

საკრედიტო ზარალის აღიარება აღარ არის დამოკიდებული კომპანიის საკრედიტო ზარალის პირველად აღმოჩენის შემთხვევაზე. ამის მაგივრად კომპანია განიხილავს უფრო ფართო არეალის ინფორმაციას, როდესაც აფასებს საკრედიტო რისკს და მოსალოდნელ საკრედიტო ზარალს, ეს ინფორმაცია მოიცავს, წარსულ შემთხვევებს, მიმდინარე პირობებს, მართებულ და მისაღებ პროგნოზს, რომელსაც გავლენა აქვს ფინანსური აქტივის მომავალი ფულადი ნაკადების მოსალოდნელ შეგროვებადობაზე.

ამ საპროგნოზო მიდგომის დანერგვისას, ერთმანეთისგან იმიჯნება:

- ფინანსურ ინსტრუმენტებს შორის, რომლებიც საკრედიტო ხარისხის მიხედვით საგრძნობლად არ გაუარესებულა საწყისი აღიარების შემდგომ ან აქვს დაბალი საკრედიტო რისკი (დონე 1), და
- ფინანსურ ინსტრუმენტებს შორის, რომლებიც საგრძნობლად გაუარესდნენ კრედიტის ხარისხის მიხედვით საწყისი აღიარების შემდგომ და მათი საკრედიტო რისკი არ არის დაბალი (დონე 2)
- დონე 3 მოიცავს ფინანსურ აქტივებს, რომლებსაც აქვს გაუფასურების ობიექტური მტკიცებულება საანგარიშგებო თარიღისთვის.

„12 თვიანი მოსალოდნელი საკრედიტო ზარალი“ აღიარებულია პირველი კატეგორიით, ხოლო „არსებობის მანძილზე მოსალოდნელი საკრედიტო ზარალი“ მეორე კატეგორიით.

მოსალოდნელი საკრედიტო ზარალის აღიარება განსაზღვრულია ალბათობებით შეწონილი საკრედიტო ზარალის შეფასებით ფინანსური ინსტრუმენტის მოსალოდნელი არსებობის მანძილზე.

სავაჭრო და სხვა მოთხოვნები და სახელშეკრულებო აქტივები

იმ დებიტორული დავალიანებებისათვის, რომლებიც არ უფასურდება ინდივიდუალურად, კომპანია გაუფასურების რეზერვს განსაზღვრავს კოლექტიურად, რაც დაფუძნებულია თანხების მოკრების კომპანიის წარსულ გამოცდილებაზე, პორტფელში დაგვიანებული გადახდების ზრდაზე, ეკონომიკურ მდგომარეობაში ცვლილებებზე და სხვა.

ამორტიზირებული ღირებულებით შეფასებული ფინანსური აქტივებისთვის, თუ გაუფასურების ზარალი შემდგომ პერიოდში შემცირდება და ეს შემცირება გამყარებულია ობიექტური მტკიცებულებით გაუფასურების აღიარების შემდგომ მომხდარი მოვლენებით, მაშინ ხდება წინა პერიოდებში აღიარებული გაუფასურების ზარალის უკან დაბრუნება (პირდაპირ ან დებიტორული დავალიანების საეჭვო მოთხოვნების რეზერვის კორექტირებით) მოგება-ზარალის ინდივიდუალურ ანგარიშგებაში.

თუმცა, უკან დაბრუნების შედეგად, საბალანსო ღირებულება არ უნდა აღემატებოდეს ფინანსური აქტივის ამორტიზირებულ ღირებულებას, რომელიც დაფიქსირდებოდა თუ არ აღიარდებოდა გაუფასურება გაუფასურების უკან დაბრუნების დღეს.

- ფინანსური ვალდებულებების კლასიფიკაცია და შეფასება
- კომპანიის ფინანსური ვალდებულებები მოიცავს სასესხო ვალდებულებებს, სავაჭრო და სხვა ვალდებულებებს და ვალდებულებებს ფინანსურ იჯარაზე.

სასესხო ვალდებულებები

სესხები თავდაპირველად აღიარდება რეალური ღირებულებით, სესხთან დაკავშირებული გაცემის ხარჯების გამოკლებით. სხვაობა სამართლიან ღირებულებასა და ნომინალურ ღირებულებას შორის აღიარდება მოგებაში ან ზარალში, გარდა იმ შემთხვევისა, როდესაც სესხი აღებულია დამფუძნებლებისგან. ასეთ შემთხვევაში, ეს სხვაობა აისახება კაპიტალში, როგორც დამატებითი კაპიტალი. თავდაპირველი აღიარების შემდეგ, სესხები აისახება ამორტიზებული ღირებულებით ხოლო სხვაობა თვითღირებულებასა და გამოსყიდვის ღირებულებას შორის აისახება მოგებაში ან ზარალში, სესხების პერიოდის განმავლობაში ეფექტური საპროცენტო განაკვეთის საფუძველზე. პროცენტები და სხვა ხარჯები, რომლებიც გაწეულია სესხებზე, მიეკუთვნება ფინანსურ ხარჯებს, გარდა იმ სესხის ხარჯებისა, რომლებიც პირდაპირ უკავშირდება შესყიდვებს, მშენებლობას, ან განსაკუთრებული აქტივის შექმნას. ასეთი ხარჯები პირდაპირ აქტივის თვითღირებულებაზე კაპიტალიზირდება.

ფინანსური იჯარის ვალდებულებები

ხელშეკრულების ძალაში შესვლის თარიღისთვის, ფინანსური საიჯარო ვალდებულება ფასდება ამ დღემდე გადაუხდელი საიჯარო გადასახდელების დღევანდელი ღირებულება, რომელიც დისკონტირებულია იჯარაში ნაგულისხმევი პროცენტის გამოყენებით, რამდენადაც ეს პროცენტი უკვე ცნობილია, ან კომპანიის მიერ სესხების დისკონტირებისთვის გამოყენებული საპროცენტო განაკვეთით.

სავაჭრო და სხვა ვალდებულებები

სავაჭრო და სხვა ვალდებულებები თავდაპირველად აღიარდება რეალური ღირებულებით, ხოლო შემდგომში ისინი წარედგინება ამორტიზირებული ღირებულებით.

ფინანსური ვალდებულებების აღიარების შეწყვეტა

კომპანია წყვეტს ფინანსურ ვალდებულებების აღიარებას, როდესაც კომპანიამ შეასრულა ყველა ვალდებულება. სხვაობა შეწყვეტილი ფინანსური ვალდებულების საბალანსო ღირებულებასა და გადახდილ და გადასახდელ ანაზღაურებას შორის აისახება მოგებაში ან ზარალში.

როდესაც კომპანია არსებულ კრედიტორთან ცვლის ერთ სავალო ინსტრუმენტს მეორეში არსებითად განსხვავებული პირობებით, ასეთი გაცვლა აღირიცხება, როგორც საწყისი ფინანსური ვალდებულების აღიარების შეწყვეტა და ახალი ფინანსური ვალდებულების აღიარება. ანალოგიურად, კომპანია ითვალისწინებს არსებულ ვალდებულების ან მისი ნაწილის პირობების არსებით ცვლილებას, როგორც თავდაპირველი ფინანსური ვალდებულების აღიარების შეწყვეტას და ახალი ვალდებულების აღიარებას. პირობები არსებითად განსხვავებულია, თუ ფულადი ნაკადების დისკონტირებული მიმდინარე ღირებულება ახალი პირობებით, მათ შორის ნებისმიერი გადახდილი საკომისიო, მიღებული და დისკონტირებული ეფექტური განაკვეთის გამოყენებით, განსხვავდება მინიმუმ 10 პროცენტით დისკონტირებული ახლანდელი ღირებულებისაგან თავდაპირველ ფინანსური ვალდებულების დარჩენილი ფულადი ნაკადების ღირებულება.

3.6 ფული და ფულის ეკვივალენტები

- 1 ფული და ფულის ეკვივალენტები მოიცავს საბანკო ნაშთებსა და სხვა მოკლევადიან (90 დღემდე) ლიკვიდურ ინვესტიციებს, რომლებიც ადვილად კონვერტირდება გარკვეული რაოდენობის ფულის სანაცვლოდ და ექვემდებარება ღირებულებაში ცვლილების უმნიშვნელო რისკს. ფული და ფულის ეკვივალენტები საწყისად აღიარდება რეალური ღირებულებით და შემდეგ ამორტიზებადი ღირებულებით.

3.7 კაპიტალი

კომპანიის საწესდებო კაპიტალი წარმოადგენს წილის ნომინალურ ღირებულებას. აკუმულირებული მოგება/ზარალი შეიცავს მიმდინარე და წინა პერიოდების აკუმულირებულ მოგება/ზარალებს.

3.8 მოგების გადასახადი

საქართველოში მოქმედი დაბეგვრის მოდელი, რომელიც მოქმედებს 2017 წლის 1 იანვრიდან (“მოგების გადასახადის ესტონური მოდელი”) გულისხმობს კორპორატიული გადასახადის ნულოვან განაკვეთს გაუნაწილებელ მოგებაზე და 15%-იან კორპორატიულ გადასახადის განაკვეთს განაწილებულ მოგებაზე. შედეგად, 2017 წლის 1 იანვრიდან კომპანიები მოგების გადასახადს იხდიან მოგების განაწილებისას (მოგება, რომელიც ნაწილდება აქციონერებზე დივიდენდების სახით) და ცალკეულ ტრანზაქციებზე, რომლებიც შეიძლება ჩაითვალოს მოგების არაპირდაპირ განაწილებად (სარგებელი, საჩუქრები, გადახდები, ხარჯები, რომლებიც არ არის დაკავშირებული ეკონომიკურ საქმიანობასთან და ა.შ.).

მოგების გადასახადი, რომელიც წარმოიშობა მოგების დივიდენდების სახით განაწილებისას ხარჯად აღიარდება დივიდენდების გამოცხადების პერიოდში, მიუხედავად დივიდენდების ფაქტობრივი გადახდის თარიღისა. ამ შემთხვევაში მოგების განაწილება იბეგრება 15/85 პროპორციით. აღნიშნული მოდელის გამო, არ წარმოიქმნება დროებითი სხვაობები კომპანიის აქტივებსა და ვალდებულებებში ფინანსური და საგადასახადო ბაზის განსხვავების საფუძველზე. შესაბამისად გადავადებული საგადასახო აქტივი და ვალდებულება, როგორც განსაზღვრულია ბასს 12 მოგებიდან გადასახადებით კომპანიას არ წარმოექმნება.

3.9 ხარჯების აღიარება

მოგება-ზარალის ანგარიშგებაში ხარჯები აღიარდება თუ ის იწვევს მომავალი ეკონომიკური სარგებლის შემცირებას, რომელიც დაკავშირებულია აქტივების შემცირებასთან ან ვალდებულების ზრდასთან და შესაძლებელია მისი საიმედოდ შეფასება. ხარჯები სრული შემოსავლის ანგარიშგებაში აღიარდება დაუყოვნებლივ, თუ აღარ მოიტანს მომავალ ეკონომიკურ სარგებელს, ან თუ ეკონომიკური სარგებელი არ აკმაყოფილებს ან შეწყვეტა დაკმაყოფილება აქტივის აღიარების მოთხოვნისა ფინანსური მდგომარეობის ანგარიშგებაში.

3.10 დაქირავებულ პირთა გასამრჯელოები

დაქირავებულ პირთა მოკლევადიანი გასამრჯელოები, რომელთა გადახდა მთლიანად ხდება იმ წლიური საანგარიშგებო პერიოდის დამთავრებიდან 12 თვეში, რომლის განმავლობაშიც დაქირავებული პირები გასწევნ შესაბამის მომსახურებას, მოიცავს:

- (a) ხელფასებს, ანაზღაურებებსა და პრემიებს;
- (b) წლიურ ფასიან შვებულებებსა და ბიულეტენის ანაზღაურებებს;

თუ დაქირავებულმა პირმა რომელიმე სააღრიცხვო პერიოდში საწარმოს გაუწია მომსახურება, დაქირავებული პირის მოკლევადიანი გასამრჯელოების არადისკონტირებული ოდენობა, რომელიც გადასახდელია ამ მომსახურებისთვის, საწარმომ უნდა აღიაროს:

- (a) როგორც ვალდებულება (დარიცხული ხარჯი) ნებისმიერი, უკვე გადახდილი თანხის გამოკლების შემდეგ. თუ უკვე გადახდილი თანხა აღემატება გასამრჯელოს არადისკონტირებულ ღირებულებას, ნამეტი თანხა უნდა აღიარდეს აქტივად (წინასწარ გაწეულ ხარჯად) იმ ოდენობით, რა ოდენობითაც წინასწარ გადახდა უზრუნველყოფს მომავალში გადასახდელების შემცირებას ან ფულადი სახსრების უკან დაბრუნებას.
- (b) როგორც ხარჯი, თუკი მისი ოდენობა არ არის ჩართული აქტივის თვითღირებულებაში.

გადასახდელი პრემიების მოსალოდნელი ხარჯი აღიარდება მხოლოდ და მხოლოდ მაშინ, თუ წარსული მოვლენის შედეგად კომპანიას აქვს ზემოაღნიშნული გასამრჯელოების გადახდის მიმდინარე იურიდიული ან კონსტრუქციული ვალდებულება და შესაძლებელია ვალდებულების საიმედოდ შეფასება. მიმდინარე ვალდებულება მხოლოდ მაშინ არსებობს, როდესაც საწარმოს არა აქვს სხვა რეალური ალტერნატივა, გარდა იმისა, რომ გადაიხადოს ეს გასამრჯელოები.

3.11 შემოსავლების აღიარება

საფეხბურთო კლუბი იბერია 1999-ის შემოსავალი მოდის შემდეგი ძირითადი წყაროებიდან:

- ფეხბურთელების ტრანსფერები – კლუბი იღებს შემოსავალს ფეხბურთელების გაყიდვის ან დროებითი იჯარით გაშვების შედეგად.
- საფეხბურთო აკადემიის მომსახურება – ახალგაზრდული ფეხბურთის პროგრამის მეშვეობით მიღებული შემოსავლები.
- რეკლამა და სპონსორობა – კომერციული პარტნიორების მიერ გადახდილი თანხები, რომლებიც კლუბის სახელისა და პლატფორმების გამოყენებას მოიცავს.
- უძრავი ქონების იჯარა – კლუბის საკუთრებაში არსებული ინფრასტრუქტურის გაქირავებიდან მიღებული შემოსავალი.
- ბილეთების გაყიდვა – მატჩებზე დასასწრები ბილეთების რეალიზაციით მიღებული შემოსავლები.
- დონორების შემოწირულობები – კერძო პირებისა და ორგანიზაციების მიერ გაწეული ფინანსური დახმარება.
- **FIFA/UEFA**-სგან მიღებული დაფინანსება – საერთაშორისო საფეხბურთო ორგანიზაციების მიერ გაწეული გრანტები და სუბსიდიები.
- **GFF**-ის (საქართველოს ფეხბურთის ფედერაციის) დაფინანსება – ეროვნული საფეხბურთო ასოციაციის მიერ კლუბისთვის გაწეული ფინანსური დახმარება.

შემოსავლის აღიარების პოლიტიკა:

ფეხბურთელების ტრანსფერები

- აღიარება ხდება ტრანსფერის ხელშეკრულების გაფორმებისა და ინვოისის გაცემის შემდეგ, იმ მომენტში, როდესაც ფეხბურთელის კონტრაქტი გადაეცემა სხვა კლუბს.
- თუ გადახდა ნაწილ-ნაწილ ხორციელდება, შემოსავალი სრულად აღირიცხება კონტრაქტის გადაცემის მომენტში, ხოლო გადაუხდელი თანხა დებიტორულ დავალიანებებში აისახება.

საფეხბურთო აკადემიის მომსახურება

- შემოსავალი აღიარებულია მხოლოდ იმ შემთხვევაში, თუ თანხა რეალურად მიღებულია და ბანკში ასახულია.
- რეგისტრაციის პროცესში თანხის გადახდა აუცილებელია, რის შემდეგაც ხდება შემოსავლის აღიარება.
- დებიტორული დავალიანებები არ წარმოიქმნება, რადგან მომსახურება წინასწარ იხდიან.

რეკლამა და სპონსორობა

- შემოსავალი აღიარებულია ხელშეკრულების გაფორმების შემდეგ და იმ მომენტში, როდესაც შესაბამისი სერვისი სრულად შესრულებულია.
- თუ კონტრაქტი მოიცავს ხანგრძლივ თანამშრომლობას, შემოსავალი ნაწილობრივ აღირიცხება კონტრაქტის პერიოდში შესრულებული ვალდებულებების მიხედვით.

უმრავი ქონების იჯარა

- აღიარება ხდება იჯარის ხელშეკრულების გაფორმების შემდეგ, და შემოსავალი თანაბრად ნაწილდება იჯარის პერიოდის განმავლობაში.

ბილეთების გაყიდვა

- აღიარება ხდება ბილეთის რეალიზაციის მომენტში, რადგან მომსახურება (მატჩზე დასწრების უფლება) მომხმარებელს უკვე მიეწოდა.

დონორების შემოწირულობები

- აღიარება ხდება მიღების მომენტში, თუ თანხა არ უკავშირდება რაიმე კონკრეტული ვალდებულების შესრულებას.
- თუ შემოწირულობა კონკრეტული პროექტისთვისაა განკუთვნილი, შემოსავალი აღიარება ხდება პროექტის მიმდინარეობის შესაბამისად.

FIFA/UEFA-სგან მიღებული დაფინანსება

- აღიარება ხდება თანხის მიღების მომენტში, თუ დაფინანსება დაუბრუნებელი გრანტია და არ საჭიროებს კონკრეტული კრიტერიუმების შესრულებას.
- თუ დაფინანსება დაკავშირებულია კონკრეტული მიზნის მიღწევასთან (მაგ., ინფრასტრუქტურის გაუმჯობესება), შემოსავალი აღიარება ეტაპობრივად, ვალდებულების შესრულების შესაბამისად.

GFF-ის (საქართველოს ფეხბურთის ფედერაციის) დაფინანსება

- თუ დაფინანსება არის ყოველწლიური საბაზისო დახმარება, აღიარება ხდება მიღების მომენტში.
- თუ დაფინანსება კონკრეტულ პროექტზეა მიზნული, შემოსავალი აღიარება პროექტის განხორციელების პროგრესის მიხედვით.

4 ფულადი სახსრები და ფულადი სახსრების ეკვივალენტები

ლარი	2024 წლის 31 დეკემბერი	2023 წლის 31 დეკემბერი
ფული ბანკში ეროვნულ ვალუტაში	10,249	151,811
ფული ბანკში უცხოურ ვალუტაში	-	13
	10,249	151,824

5 სხვა დებიტორული დავალიანება

ლარი	2024 წლის 31 დეკემბერი	2023 წლის 31 დეკემბერი
სხვა დებიტორული დავალიანება	49,187	1,415,697
გადახდილი ავანსები	-	32,975

49,187	1,448,672
--------	-----------

ყველა თანხა არის მოკლევადიანი. საანგარიშგებო პერიოდის განმავლობაში კომპანიის ყველა სავაჭრო და სხვა მოთხოვნისთვის განხილულია შესაძლო გაუფასურების მაჩვენებლები და მენეჯმენტი მიიჩნევს, რომ ყველა აღიარებული მოთხოვნა და ავანსი სრულად ამოღებადია.

6 მატერიალური მარაგები

ლარი	2024 წლის 31 დეკემბერი	2023 წლის 31 დეკემბერი
სხვა და სხვა სპორტული ინვენტარი	134,646	-
მედიკამენტები	1,192	-
	135,838	-

7 ძირითადი საშუალებები

ლარი	ნაგებობები	სატრანსპორტო საშუალებები	სპორტული ინვენტარი	საოფისე ავეჯი და აღჭურვილობა	კომპიუტერული და სხვა ტექნიკური მოწყობილობა	იჯარით აღებული ქონების კეთილმოწყობა	ჯამი
ღირებულება							
31 დეკემბერი 2022	2,063,080	51,699	38,841	62,001	16,226	96,245	2,328,092
მატება	-	-	1,152	2,357	15	40,038	43,562
31 დეკემბერი 2023	2,063,080	51,699	39,993	64,358	16,241	136,283	2,371,654
მატება	8,585	-	8,584	4,711	1,389	10,685	33,954
გასვლა	(360,311)	-	(15,837)	(15,335)	(9,556)	-	(401,039)
31 დეკემბერი 2024	1,711,354	51,699	32,740	53,734	8,074	146,968	2,004,569
დაგროვილი ცვეთა							
31 დეკემბერი 2022	1,178,650	25,228	33,677	31,787	15,325	8,749	1,293,416
პერიოდის ცვეთა	169,667	5,170	2,779	9,878	60	12,600	200,154
31 დეკემბერი 2023	1,348,317	30,398	36,456	41,665	15,385	21,349	1,493,570
პერიოდის ცვეთა	169,847	5,170	3,074	1,105	415	8,460	188,071
ცვეთის აღმოფხვრა	(233,238)	-	(14,692)	(12,185)	(11,061)	-	(271,176)
31 დეკემბერი 2024	1,284,926	35,568	24,838	30,585	4,739	29,809	1,410,465
ნარჩენი ღირებულება							
31 დეკემბერი 2023	714,763	21,301	3,537	22,693	856	114,934	878,084
31 დეკემბერი 2024	426,428	16,131	7,902	23,149	3,335	117,159	594,104

3 კომპანიის არცერთი ქონება და აღჭურვილობა არ არის ჩადებული ვალდებულებების უზრუნველსაყოფად ანგარიშგების თარიღისათვის.

8 სხვა გრძელვადიანი აქტივები - აქტივის გამოყენების უფლება

ლარი	სპორტული მოედნები
დირებულება	
2022 წლის 31 დეკემბერი	1,016,834
2023 წლის 31 დეკემბერი	1,016,834
2024 წლის 31 დეკემბერი	1,016,834
დაგროვილი ცვეთა	
2022 წლის 31 დეკემბერი	149,122
წლის ცვეთა	101,920
2023 წლის 31 დეკემბერი	251,042
წლის ცვეთა	102,199
2024 წლის 31 დეკემბერი	353,241
საბალანსო დირებულება	
2023 წლის 31 დეკემბერი	765,792
2024 წლის 31 დეკემბერი	663,593

9 ბანკისა და სხვა სესხები

კონტრაგენტი	ვალუტა	დაფარვის თარიღი	%	2024 წლის 31 დეკემბერი	2023 წლის 31 დეკემბერი
შპს იბერია ავტო	ევრო	31-დეკ-25	9%	1,178,912	1,041,313
შპს იბერია ავტო	ლარი	31-დეკ-25	16 %	564,643	308,515
შპს კავკასიის ავტო ცენტრი	ლარი	30-მარ-24	15 %	-	120,601
შპს სპორტ სალერ ცენტრი	ლარი	31-დეკ-24	20 %	414,904	387,831
ტარიელ ხეჩიკაშვილი	ლარი	31-დეკ-24	18 %	373,812	534,710
შპს ივერშენი	ლარი	31-დეკ-24	18 %	-	7,062
შპს სოლემარტი	ლარი	31-დეკ-23	18 %	-	-
შპს იბერია ბიზნეს ჯგუფი	ლარი	31-დეკ-24	20 %	7,298,804	6,153,580
ვითიბი ბანკი	ევრო	01-აგვ-25	10 %	1,451,679	1,341,057
ვითიბი ბანკი	ლარი	13-სექ-24	3%	-	100,691

ფ/ვ დავით ფერაძე	დოლარი	31-დეკ-24	12 %	49,620	75,858
შპს მასტერანი	ლარი	31-დეკ-25	12 %	216,730	-
საქვეანგარიშოდ გაცემული	ლარი	31-დეკ-25	13 %	251,853	-
ჯამი				11,800,957	10,071,218

შემდგომი ცხრილი ასახავს ჩაშლას ძირისა და ძირზე დარიცხული გადასახდელი პროცენტების მიხედვით 2024 და 2023 წლების 31 დეკემბრის მდგომარეობით.

ლარი	2024 წლის 31 დეკემბერი	2023 წლის 31 დეკემბერი
გადასახდელი ძირი	6,143,259	5,169,885
გადასახდელი პროცენტი	5,657,698	4,901,333
	11,800,957	10,071,218

10 სხვა მიმდინარე და გრძელვადიანი ვალდებულებები

ლარი	2024 წლის 31 დეკემბერი	2023 წლის 31 დეკემბერი
საიჯარო ვალდებულება	958,879	1,035,827
ბიუჯეტში გადასახდელები გარდა საშემოსავლო გადასახადისა	543,322	24,275
	1,502,201	1,060,102

ლარი	2024 წლის 31 დეკემბერი	2023 წლის 31 დეკემბერი
მიმდინარე	257,181	247,005
გრძელვადიანი	701,698	788,822
	958,879	1,035,827

კომპანიას აქვს იჯარით აღებული სპორტული მოედნები. ყველა იჯარა, გარდა მოკლევადიანი ან დაბალი ღირებულების მქონე იჯარისა, აისახება ფინანსური მდგომარეობის ანგარიშგებაში, როგორც აქტივის გამოყენების უფლება და საიჯარო ვალდებულება.

ჩვეულებრივ, ყველა საიჯარო ხელშეკრულება ზღუდავს საიჯარო ფართის ქვეიჯარით გაცემის შესაძლებლობას, თუკი არ არის კონკრეტულად ჩანაწერი რომ კომპანიას შეუძლია ფართის გაცემა ქვეიჯარით. იჯარის ხელშეკრულებები არის ან შეწყვეტის უფლების გარეშე, ან შეწყვეტა შესაძლებელია მხოლოდ მნიშვნელოვანი ჯარიმის გადახდით. ზოგიერთი საიჯარო ხელშეკრულება მოიცავს იჯარის ვადის გაგრძელების ოფციასაც.

ქვემოთ მოცემული ცხრილი აღწერს კომპანიის საიჯარო აქტივობებს ბუნებას, ფინანსურ ანგარიშგებაში აღიარებული აქტივების გამოყენების უფლების ტიპების მიხედვით.

აქტივის გამოყენების უფლება	იჯარით აღებული აქტივების რაოდენობა	დარჩენილი ვადის დარჩენილი დარჩენილი იჯარის ვადა (წელი)	საშუალო იჯარის ვადის დარჩენილი იჯარის ვადა (წელი)	იჯარების რაოდენობა ვადის გაგრძელების უფლებით
----------------------------	------------------------------------	--	---	--

სპორტული მოედანი				
(ეკონომიკის სამინისტრო)	1	10 წელი	10 წელი	1
სპორტული მოედანი				
(საჯარო სკოლა 161)	1	2 წელი	2 წელი	1

საიჯარო ვალდებულებები უზრუნველყოფილია შესაბამისი აქტივებით. მომავალი მინიმალური საიჯარო გადახდები 2023 წლის 31 დეკემბრისთვის შემდეგნაირად:

ლარი	2024 წლის 31 დეკემბერი	2023 წლის 31 დეკემბერი
ერთ წლამდე პერიოდი		
საიჯარო გადახდები	350,134	350,106
ფინანსური ხარჯები	(92,953)	(103,102)
	<u>257,181</u>	<u>247,004</u>
2-5 წლამდე პერიოდში		
საიჯარო გადახდები	645,037	705,088
ფინანსური ხარჯები	(338,326)	(377,806)
	<u>306,711</u>	<u>327,282</u>
ხუთი წლის შემდეგ		
საიჯარო გადახდები	510,024	630,001
ფინანსური ხარჯები	(115,037)	(168,460)
	<u>394,987</u>	<u>461,541</u>
წმინდა დღევანდელი ღირებულება	<u>958,879</u>	<u>1,035,827</u>

საიჯარო გადახდები, რომლებიც არ არის აღიარებული ვალდებულებად:

კომპანიამ გადაწყვიტა არ აღიაროს საიჯარო ვალდებულება მოკლევადიანი იჯარის (12 თვეანი ან ნაკლები საიჯარო ვადის მქონე იჯარისთვის) და დაბალი ღირებულების მქონე საიჯარო აქტივების იჯარისთვის. ამგვარად საიჯარო გადახდები ხარჯებად აღიარდება წრფივი მეთოდით. ამასთანავე, ზოგიერთი ცვლადი საიჯარო გადახდები, რომლებიც არ აღიარდება როგორც საიჯარო ვალდებულება, გაწევისთანავე აღიარდება ხარჯად.

ხარჯები, დაკავშირებული ისეთ გადახდებთან, რომლებიც არ ჩაირთვება საიჯარო ვალდებულებებში, შემდეგია:

ლარი	2024	2023
საოპერაციო იჯარა	461,616	194,282

4

11 საწესდებო კაპიტალი

2024 წლის 31 დეკემბრის პერიოდში დამფუძნებელთა კრების გადაწყვეტილების საფუძველზე განხორციელდა კლუბის საწესდებო კაპიტალის ცვლილება, კერძოდ კი, მისმა დამფუძნებელმა და ეკატერინე ინასარიძემ კომპანიის საწესდებო კაპიტალიდან გაიტანა 457,096 ლარი.

2023 წლის 31 დეკემბრამდე პერიოდში დამფუძნებელთა კრების გადაწყვეტილებით განხორციელდა საწესდებო კაპიტალის ზრდა 163,110 ლარით. კაპიტალის ზრდა განახორციელა კომპანიის ერთ ერთმა დამფუძნებელმა ეკატერინე ინასარიძემ.

12 ტელეტრანსლაციის უფლებები

FC Iberia 1999 გადასცემს GreenFieldSolutions Sarl-ს ექსკლუზიურ მედია, სტრიმინგის, სარეკლამო და მონაცემთა ბეთინგის უფლებებს UEFA-ს კონფერენს ლიგის 2024/25 სეზონის საკვალიფიკაციო ეტაპის

მატჩებისთვის (მსოფლიო მასშტაბით, საქართველოს გამოკლებით). ფინანსური პირობები მოიცავს 2,500 ევრო თითო მატჩზე (პირველი საკვალიფიკაციო ეტაპი) და 80,000 ევრო მინიმალურ გარანტიას (მესამე საკვალიფიკაციო ეტაპი), სადაც შემოსავლის განაწილება ხდება 75% - Iberia 1999 | 25% - GreenFieldSolutions Sarl.

სარეკლამო დრო (20 წუთი) იყოფა ქართული სპონსორებისთვის (10 წუთი), "Roletto"-სთვის (10 წუთი), ხოლო დარჩენილი დრო თურქეთის ბაზრისთვის. მაუწყებლობის ორგანიზება სრულად Licensee-ს ეკისრება, მხარეებს შეუძლიათ თანამშრომლობის გაგრძელება ურთიერთსასარგებლო პირობების საფუძველზე, ხოლო Licensor ვალდებულია ყველა მესამე პირის შეთავაზება გადაუგზავნოს Licensee-ს.

13 უეფას სოლიდარობა, საპრიზოები

თბილისის „იბერია 1999“ მონაწილეობს 2024/25 წლების სეზონის უეფა-ს კონფერენციის ლიგაში, რაც კლუბისთვის ფინანსურ სარგებელს მოიცავს. უეფა-ს წესების თანახმად, ევროტურნირებში მონაწილე კლუბები იღებენ სხვადასხვა სახის ფინანსურ პრიზებს, რომლებიც დამოკიდებულია ტურნირში მიღწეულ შედეგებზე, რეიტინგზე და მარკეტინგულ წილზე.

ამგვარად, „იბერია 1999“ მიიღებს ფინანსურ სარგებელს უეფა-ს ბიზნეს მოდელის ფარგლებში, რაც ხელს უწყობს ევროპულ ფეხბურთს.

14 კომერციული - სხვა, რომელიც არ არის ცალკე გამოყოფილი

ლარი	2024	2023
შემოსავალი აკადემიიდან	350,069	308,113
საიჯარო შემოსავალი	141,699	152,714
	491,768	460,827

5

15 სუბსიდიები, გრანტები და სხვა თანხები სახელმწიფო და მუნიციპალური ხელისუფლებისგან

სუბსიდიები, გრანტები ან სხვა თანხები სახელმწიფო და მუნიციპალური ხელისუფლებისგან წარმოადგენს საქართველოს მთავრობის მიერ დამტკიცებული ფეხბურთის განვითარების პროექტის ფარგლებში, ქართული ფეხბურთის განვითარების ფონდისგან მიღებულ დაფინანსების თანხას.

სუბსიდიები, გრანტები ან სხვა თანხები სახელმწიფო და მუნიციპალური ხელისუფლებისაგან 2024 და 2023 ფინანსურ ანგარიშგებაში წარმოდგენილი იყო 2,724,190 და 2,319,577 ლარით, შესაბამისად.

16 ფეხბურთელების სარგებელი და სხვა ხარჯები, რომლებიც ცალკე არ არის გამოყოფილი

ლარი	2024	2023
ფეხბურთელების შეკრების ხარჯები	31,025	65,133
სამედიცინო მომსახურება	157,229	97,520
სხვა	7,841	169,074
	196,095	331,727

17 უძრავი ქონებისა და სათავსოების ხარჯები

ლარი	2024	2023
იჯარა	461,616	194,282

მიმდინარე რემონტი

43,032	9,887
504,648	204,169

18 სხვა საოპერაციო ხარჯი, რომელიც ცალკე არაა გამოყოფილი

ლარი	2024	2023
მიწვლილების ხარჯი	1,062,311	635,456
საკონსულტაციო ხარჯი	252,332	133,581
სპორტული ინვენტარი	141,994	175,449
ლიცენზიები და საწევრო მოსაკრებელი	138,324	80,227
კომუნალური გადასახადები	63,502	70,462
საოფისე ხარჯი	33,076	5,434
საგადასახადო ხარჯი	32,315	10,136
ტრანსფერთან დაკავშირებული ხარჯი	22,712	-
ბანკის საკომისიო	16,776	11,546
წარმომადგენლობითი ხარჯები	11,717	13,742
საწვავის ხარჯები	6,964	5,881
კომუნიკაციის ხარჯი	5,754	6,304
ავტომანქანის შეკეთება	2,411	1,721
კომპიუტერული ხარჯი	1,069	1,291
სხვა ხარჯები	170,436	477,583
	1,961,693	1,628,813
	1,062,311	635,456

6

19 მოგება გრძელვადიანი არამატერიალური აქტივების რეალიზაციიდან (ფეხბურთელების რეგისტრაცია)

კომპანია აღიარებს მოგებას გრძელვადიანი არამატერიალური აქტივების რეალიზაციიდან, რომელიც ძირითადად უკავშირდება ფეხბურთელების რეგისტრაციის უფლებების გადაცემას. აღნიშნული მოგება წარმოიქმნება იმ კომპენსაციის მიღებით, რომელიც კომპანია სხვა კლუბებთან დადებული ხელშეკრულებების საფუძველზე იღებს მოთამაშეთა ტრანსფერებისთვის.

ამ ტიპის შემოსავალი აღიარებულია იმ მომენტში, როდესაც კონტრაქტი გადაეცემა უფლებების შემძენ კლუბს, IFRS 15 შემოსავალი ხელშეკრულებებიდან მომხმარებლებთან სტანდარტის შესაბამისად, თუ ტრანზაქცია აკმაყოფილებს შემოსავლის აღიარების მოთხოვნებს. იმ შემთხვევაში, თუ გარიგება იჯარის ელემენტებს მოიცავს, მისი აღიარება ხდება IFRS 16 იჯარა-ს მიხედვით. აღიარების პროცესში გათვალისწინებულია ხელშეკრულების პირობები, შესრულებული ვალდებულებები და კომპენსაციის მიღება.

2024 და 2023 წლის 31 დეკემბრის მდგომარეობით, კომპანია ფეხბურთელების ტრანსფერებიდან მიღებულ საკომპენსაციო შემოსავალმა შეადგინა 1,178,547 ლარი და 490,412 ლარი, შესაბამისად.

20 ფინანსური ხარჯი

ლარი	2024	2023
შპს იბერია ბიზნეს ჯგუფი	361,258	144,398
ვი თი ბი ბანკი	156,592	177,765
შპს იბერია ავტო ცენტრი	144,038	96,538

საპროცენტო ხარჯი საიჯარო ვალდებულებებზე	103,102	112,068
ტარიელ ხეჩიკაშვილი	65,342	59,151
შპს სპორტ სალერ ცენტრი	27,073	26,999
დაკავშირებული მხარე ფიზიკური პირისგან მიღებული ფულადი სახსრები	26,588	-
სესხი%შპს კავკასიის ავტოცენტრი	10,251	15,002
დავით ფერაძე	5,520	8,622
შპს მასტერინი	1,731	-
შპს ავეკო ტრედიინგი	-	41,724
შპს სოლემარტი	-	-
	<u>901,495</u>	<u>682,267</u>

21 საანგარიშგებო პერიოდის შემდგომი მოვლენები

ანგარიშგების თარიღის ბოლოდან მისი ხელმოწერის თარიღამდე არ დაფიქსირებულა ისეთი მოვლენები, რომლებიც საჭიროებენ სპეციალური დანიშნულების ფინანსური ანგარიშგების კორექტირებას ან გამჟღავნებას, რაც გავლენას მოახდენს კომპანიის სპეციალური დანიშნულების ფინანსურ მდგომარეობასა და შედეგებზე საანგარიშგებო წლის მდგომარეობით.

22 მნიშვნელოვანი სააღრიცხვო შეფასებები და მსჯელობები

დაშვებები და მსჯელობები ეფუძნება ისტორიულ გამოცდილებას, ამასთან გაითვალისწინება სხვა ფაქტორებიც, როგორებიც არის მომავალი მოვლენების განვითარებასთან დაკავშირებული მოლოდინები, რომლებიც კონკრეტულ სიტუაციაში გონივრულად მიიჩნევა.

22.1 კრიტიკული სააღრიცხვო შეფასებები

კომპანია აფასებს და ვარაუდებს გამოთქვამს მომავალთან დაკავშირებით. მიღებული სააღრიცხვო შეფასებები შესაძლოა განსხვავდებოდეს ფაქტობრივი შედეგებისგან. შეფასებებსა და დაშვებებს რომლებსაც გააჩნიათ მნიშვნელოვანი რისკი, ფინანსური აქტივებისა და ვალდებულებების საბალანსო ღირებულების მატერიალურ კორექტირებაზე მომდევნო ფინანსურ წელს, განხილულია ქვემოთ.

ძირითადი საშუალებების სასიცოცხლო ვადები

ხელმძღვანელობამ პერიოდულად გადახედავს ხოლმე კომპანიის ძირითადი საშუალებების დარჩენილი სასარგებლო მომსახურების ვადებს და თუ საჭიროა, ცვლის მათ. თუ რეალური სასარგებლო მომსახურების ვადა განსხვავებული აღმოჩნდება ამ შეფასებებისგან, მაშინ ფინანსურ ანგარიშგებაში წარდგენილი ინფორმაცია შესაძლოა არსებითად შესაცვლელი იყოს. თუმცა, ხელმძღვანელობა დარწმუნებულია, რომ მათი შეფასებები არსებითად სწორია და აქტივები იმ ვადით იქნება გამოყენებული, როგორადაც ეს ამჟამადაა შეფასებული.

22.2 ძირითადი დაშვებები მომავალთან დაკავშირებით

დამოკიდებულება დამფუძნებლებისა და დაკავშირებული მხარეების სესხებზე

2024 წლის 31 დეკემბრის მდგომარეობით აკუმულირებული ზარალი შეადგენს 14,663,811ლარს (2023 წლის დეკემბერი: 12,852,629 ლარი). 2024 წლის 31 დეკემბრის მდგომარეობით, კომპანიის მიმდინარე ვალდებულებები მის მიმდინარე აქტივებს 70-ჯერ აღემატება. კომპანიამ 2024 საანგარიშგებო პერიოდი ზარალით (1,811,182 ლარი) დაასრულა.

კომპანიის მიერ მიღებული შემოსავალი არ არის საკმარისი იმისათვის, რომ დაფინანსდეს ყოველდღიური ოპერაციები და კაპიტალური ხარჯები, რომლებიც დაკავშირებულია არსებული სპორტული ინფრასტრუქტურის შენარჩუნებასთან და ახალი აქტივების შექმნასთან. კომპანიის საქმიანობა ძირითადად

უზრუნველყოფილია კომერციული ბანკებისა და დაკავშირებული მხარეებისგან მიღებული სესხებით (შენიშვნა 9), ასევე უფასო და საქართველოს ფეხბურთის განვითარების ფონდის დაფინანსებით.

კომპანიამ ფინანსური მდგომარეობის გაუმჯობესების მიზნით 2024 წელს დამატებით მიიღო 1,332,284 ლარის ოდენობის სესხი დაკავშირებული მხარეებისგან და 1,940,035 ლარის ოდენობით სესხი ფიზიკური პირისგან. 2024 წლის საანგარიშგებო პერიოდში სესხების საბოლოო ნაშთმა კი 11,800,958 ლარი შეადგინა. ამასთან კომპანია მოელის, რომ შემდგომ პერიოდებში გააფორმებს დაკავშირებულ მხარეებთან ახალ სასესხო ხელშეკრულებებს.

კომპანიის მენეჯმენტი დარწმუნებულია, რომ განჭვრეტად მომავალში დამფუძნებლები გააგრძელებენ კომპანიის ფინანსურ მხარდაჭერას საჭიროების შესაბამისად და მის საქმიანობას საფრთხე არ ემუქრება. თუმცა, თუ კომპანიის მენეჯმენტის მოლოდინები დაკავშირებული მხარეების მხრიდან ფინანსური დახმარების გაგრძელებასთან დაკავშირებით ფაქტობრივად არ გამართლდება, მაშინ მოსალოდნელია, რომ კომპანიის საქმიანობის ჩვეულებრივ რეჟიმში გაგრძელებას მნიშვნელოვანი საფრთხე დაემუქროს, კომპანიის საქმიანობის სრული შეჩერების ჩათვლით.

23 ფინანსური ინსტრუმენტები

23.1 მნიშვნელოვანი სააღრიცხვო პოლიტიკა

სააღრიცხვო პოლიტიკები და მეთოდები, მათ შორის აღიარების კრიტერიუმები, რომლის საფუძველზეც ხდება შემოსავლის თუ ხარჯის აღიარება ფინანსური აქტივის და ვალდებულების კლასების შესაბამისად, წარმოდგენილია შენიშვნა 3.5-ში.

ფინანსური ინსტრუმენტების კატეგორიები

ფინანსურ ანგარიშგებაში წარმოდგენილია შემდეგი კატეგორიის ფინანსური აქტივები და ვალდებულებები:

ლარი	2024 წლის 31 დეკემბერი	2023 წლის 31 დეკემბერი
სავაჭრო და სხვა მოთხოვნები	54,850	1,543,807
ფული და ფულის ეკვივალენტები	10,249	151,824
მთლიანი ფინანსური აქტივები	65,099	1,695,631

ლარი	2024 წლის 31 დეკემბერი	2023 წლის 31 დეკემბერი
სასესხო ვალდებულებები	11,800,957	10,071,215
საიჯარო ვალდებულებები	958,879	1,035,827
სავაჭრო და სხვა ვალდებულებები	1,343,584	3,186,335
მთლიანი ფინანსური ვალდებულებები	14,103,420	14,293,377

24 პირობითი მუხლები და განუსაზღვრელობები

24.1 გადასახადები

გადასახადები საგადასახადო ორგანოების მხრიდან ექვემდებარება განხილვას და შემოწმებას, რომელიც წარმოშობს კანონით გათვალისწინებულ მკაცრ ჯარიმებსა და საურავებს. ეს თავის მხრივ დაკავშირებულია განსხვავებულ ინტერპრეტაციებთან. ამ ფაქტორებმა შესაძლოა წარმოშვას საგადასახადო რისკი.

მენეჯმენტს სჯერა, რომ საგადასახადო კანონმდებლობის ინტერპრეტაციის საფუძველზე საგადასახადო ვალდებულებები ადეკვატურად არის განსაზღვრული. თუმცა, შესაბამის ორგანოებს შესაძლოა ჰქონდეთ განსხვავებული ინტერპრეტაციები და ეფექტი შეიძლება იყოს მნიშვნელოვანი.

24.2 მიღებული სესხები

კლუბმა 2011 წელს უცხოური კომპანიისგან მიიღო სესხი. 2013 წლიდან კლუბმა მსესხებელთან კონტაქტის შეუძლებლობის გამო შეწყვიტა სასესხო ვალდებულების გადახდა, თუმცა აგრძელებდა ფინანსურ ანგარიშგებაში სესხის აღიარებას და კონტრაქტით განსაზღვრული პროცენტის დარიცხვას. 2023 წლის 31 დეკემბრის მდგომარეობით, თუკი მოხდებოდა ამ სესხის კვლავ აღიარება და მასზე პროცენტის დარიცხვა მაშინ სესხის ძირი თანხა იქნებოდა 320,931 ლარი, ხოლო პროცენტი - 681,091 ლარი.

რამდენადაც, როგორც უკვე აღვნიშნეთ, კომპანიის მენეჯმენტი 2013 წლიდან ვეღარ ახერხებს ვერანაირ კონტაქტს გამსესხებელთან და არც ის დაკავშირება რაიმე მოთხოვნით, მენეჯმენტი მიიჩნევს, რომ აღნიშნული სესხის თანხა აღარ აკმაყოფილებს არც ბალანსში ვალდებულებად აღიარების და არც ანგარიშის კრიტერიუმებს, რადგან ძალიან პატარაა ალბათობა, რომ კომპანიის ამ სესხის დაბრუნება მოუწიოს. შესაბამისად, 2023 წლის 31 დეკემბრის მდგომარეობით შეწყდა ბალანსში ვალდებულების აღიარება და მენეჯმენტი მას მიიჩნევს მხოლოდ პირობით ვალდებულებად და შესაფერის ინფორმაციას ამჟღავნებს ამ განმარტებით

25 ფინანსური საქმიანობიდან ვალდებულებების შეჯერება

კომპანიის ვალდებულებები წარმოქმნილი საფინანსო საქმიანობიდან კლასიფიცირებულია შემდეგნაირად:

ლარი	საიჯარო	მიღებული	
	ვალ დე ბ ულე ბე ბ ი	სე სხე ბ ი სულ	
2023 წლის 31 დეკემბერი	1,035,775	10,071,215	11,106,990
ფულადი ნაკადები			
მიღება	-	3,142,002	3,142,002
პროცენტის გადახდა	(103,050)	(17,596)	(120,646)
დაფარვა	(76,947)	(1,864,023)	(1,940,970)
არაფულადი ცვლილებები:			
დებიტორთან დანეტება	-	(550,000)	(550,000)
დარიცხული პროცენტი	103,101	798,394	901,495
ზარალი საკურსო სხვაობებიდან	-	(4,299)	(4,299)
სხვა არაფულადი ცვლილება	-	225,264	225,264
2024 წლის 31 დეკემბერი	958,879	11,800,957	12,759,836

26 დაკავშირებული მხარეები

კომპანიის დაკავშირებულ მხარებს წარმოადგენენ მისი მფლობელები, ძირითადი ხელმძღვანელობა და სხვა დანარჩენი პირები, რომელიც აღწერილია ქვემოთ.

27 საკონტროლო ურთიერთობები

საფეხბურთო კლუბის მესაკუთრეთა წილები შემდეგნაირად ნაწილდება:

- ეკატერინე ინასარიძე - 55%
- ლუკა თამაზაშვილი - 10%
- შპს სპორტ ინვესტი - 35%

საფეხბურთო კლუბის საბოლოო ბენეფიციარი მფლობელები შპს სპორტ ინვესტის დამფუძნებლების სახით არიან შედეგი:

- ეკატერინე ინასარიძე - 33.00%
- ტარიელ ხეჩიკაშვილი - 67.00%

28 ოპერაციები და ნაშთები დაკავშირებულ მხარეებთან

საანგარიშგებო წლის განმავლობაში კომპანიას დაკავშირებულ მხარეებთან ჰქონდა შემდეგი ტრანზაქციები და ნაშთები:

ლარი ოპერაციები	2024 წელი	2023 წელი
ოპერაციები დამფუძნებლებთან		
კაპიტალის შემცირება	457,096	163,110
სხვა დაკავშირებულ მხარეებთან		
მიღებული სესხები	1,940,035	2,134,803
გადახდილი სესხები	904,660	140,882
საპროცენტო ხარჯები	569,208	300,087
უმაღლესი ხელმძღვანელობის მოკლევადიანი შრომის ანაზღაურება	178,852	138,774
ლარი ნაშთები	2023 წლის 31 დეკემბერი	2022 წლის 31 დეკემბერი
ნაშთები სხვა დაკავშირებულ მხარეებთან		
მიღებული სესხები	1,940,035	2,392,970
სხვა მოთხოვნები	5,663	95,138

ვეფხვია ამირიძე

დირექტორი

2025 წლის 21 მარტი

